

KOMMISJONSFORORDNING (EF) nr. 833/2007**2012/EØS/5/54****av 16. juli 2007****om avslutting av den overgangsperioden som er fastsett i rådsforordning (EF) nr. 1172/98 om
statistiske oppgaver over godstransport på vei(*)**

KOMMISJONEN FOR DEI EUROPEISKE FELLESSKAPA
HAR —

med tilvising til traktaten om skipinga av Det europeiske fellesskapet,

med tilvising til rådsforordning (EF) nr. 1172/98 av 25. mai 1998 om statistiske oppgaver over godstransport på vei⁽¹⁾, særleg artikkel 5 nr. 4 og 5, og

ut frå desse synsmåtane:

- 1) I medhald av forordning (EF) nr. 1172/98 har medlemsstatane i ein overgangsperiode frå 1. januar 1999 kunna nytte ei forenkla koding for laste- og lossestader. Det har ikkje vore krav om fullstendig regional koding for internasjonal transport innanfor Det europeiske økonomiske samarbeidsområdet.
- 2) I samsvar med artikkel 5 nr. 5 i forordning (EF) nr. 1172/98 må det fastsetjast ein dato for avsluttinga av overgangsperioden, ettersom dei tekniske føresetnadene no er til stades for å gjennomføre ei effektiv regional koding som kan nyttast både for nasjonal og internasjonal transport i samsvar med nr. 1 og 2 i vedlegg G til den nemnde forordninga.

- 3) Det må sikrast at europaparlaments- og rådsforordning (EF) nr. 1059/2003 av 26. mai 2003 om innføring av en felles nomenklatur over regionale statistikknheter (NUTS)⁽²⁾, som tok til å gjelde i 2003, vert nytta.
- 4) Denne forordninga endrar verken statusen til eller innhaldet i dei variablane som er førde opp som valfrie i forordning (EF) nr. 1172/98.
- 5) Dei tiltaka som er fastsette i denne forordninga, er i samsvar med fråsegna frå det Utvalet for statistikkprogrammet som vart oppnemnt ved rådsavgjerd 89/382/EØF, Euratom⁽³⁾ —

VEDTEKE DENNE FORORDNINGA:

Artikkel 1

Overgangsperioden som er nemnd i artikkel 5 i forordning (EF) nr. 1172/98, skal avsluttast 31. desember 2007.

Artikkel 2

Denne forordninga tek til å gjelde 20. dagen etter at ho er kunngjord i *Tidend for Den europeiske unionen*.

Denne forordninga er bindande i alle delar og gjeld direkte i alle medlemsstatane.

Utferda i Brussel, 16. juli 2007.

For Kommisjonen

Joaquín ALMUNIA

Medlem av Kommisjonen

(*) Denne fellesskapsrettsakten, kunngjort i EUT L 185 av 17.7.2007, s. 9, er omhandlet i EØS-komiteens beslutning nr. 170/2007 av 7. desember 2007 om endring av EØS-avtalens vedlegg XXI (Statistikk), se EØS-tillegget til Den europeiske unions tidende nr. 26, 8.5.2008, s. 31.

(¹) TEF L 163 av 6.6.1998, s. 1. Forordninga sist endra ved europaparlaments- og rådsforordning (EF) nr. 1893/2006 (TEU L 393 av 30.12.2006, s. 1).

(²) TEU L 154 av 21.6.2003, s. 1. Forordninga sist endra ved kommisjonsforordning (EF) nr. 105/2007 (TEU L 39 av 10.2.2007, s. 1).

(³) TEF L 181 av 28.6.1989, s. 47.